

河南府縣志輯

中國地方志集成

道光武陟縣志
民國續武陟縣志


中國地方志集成

河南府縣志輯 ⑮

道光武陟縣志

民國續武陟縣志

上海書店 ● 巴蜀書社 ● 江蘇古籍出版社



道光武陟縣志

(清)

王榮陞修
方履錢纂



本書三十六卷。現據道光九年（一八二九）
刻本影印。

武陟雖河朔一隅而其地為黃沁交會之所隄防每上屋

宵旰雍正元年既奉

敕建嘉應觀復頒文賜祭

天章炳煥禁在銅碑嗣復又疊有祭

告河神之文

武陟縣志

序

一

擇柔所及於斯邑之民生土寓蓋三致意焉烏可以蕞爾而忽之哉縣志之作昉於前明李日茂還我

朝順治十五年署令全元樞修之邑

紳士翰林院編修王化鶴序之

康熙三十年邑令甘國垓重修

乾隆二十年邑令查開重修而

未竟其業二十一年邑令王靖

續成查志頗具規模茲邑令王

榮陞復重修之而後星躔疆域

山川人物建置典禮官師選舉

武陟縣志

序

二

貢賦河防風俗與夫碑銘歌詠之屬莫不考覈詳明有倫有要邑志乃燦然大備予奉

命撫豫凡一郵一鄉胥繁夙夜其於

茲邑所以經營而擘畫者亦惟

按畝山川形勢稽諸文獻由章

為圭臬是斯書之有裨治
良非淺鮮惟與官其地者勤政
安民思深慮遠斟酌地方之利
弊風俗之淳澆教養兼施修防
勿怠於以仰副

聖天子保惠民生奠安土寓至意

武陟縣志

序

三

幾共免曠鯨之誚爾是為序

道光九年歲次己丑六月下澣
兵部侍郎兼都察院右副都御
史巡撫河南等處地方提督軍
務兼理河道崇陽楊國禎識



重修武陟縣志序

邑有志乘所以存典故徵古
獻彰往銘來正人心而養風
俗誠守土者之事也武陟為
古懷州之地左臨大河右濱
沁水城當其要隱然有雄峙

武陟縣志

序

河朔之概余於道光辛巳備
兵河北見其土厚水深民風
淳樸心竊嘉之顧披其舊志
則修自康熙時距今已百三十
餘年中間雖經查王二令疏
加修輯而板冊又復散佚焉

存是有望於守宰之重為釐訂也久矣己丑王君榮陞宰是邑慨紀載之闕畧踵而修之廣搜博考酌舊志初列分三十六門而別以

聖製視舊志體例尤為嚴謹其於

武陟縣志

序

二

河防一事以黃沁兩河之隄防實關一邑之大取於山川志外別為一卷蓋以昭修守之機宜宣防之要略其餘各門上皆證據典覈瞭如指掌如理學必備錄遺文所以示景行也夫民必

進尋遺蹟所以資論世也畫方計里區以川原經界於此度時零也而金石之文非有閭掌故者不錄軍旅之事以格遵經制者為程至或末旌之節烈紀日增之戶口具有闡幽微以勵風

武陟縣志

序

三

杜釐版籍以輯菁良之選意焉他日登諸史館得備采錄其有益於人心風俗者淺鮮哉嘗謂司牧之官益稱守令而今古民最親令得其人則邑無不治事者不舉王君院優於為政復出其勝

觀效而興起茲不可謂賢與會
予以病將乞身去官而適屆志
事之成王君謠謠屬希一言故
略述邑之利害而序其所以為
治者如此道光八年歲在戊子
孟夏日分守河北兵備道婺源

武陟縣志

序

四

王鳳生序



新修武陟縣志序

武陟為邑肇置自隋其始葢新
修武之北偏廢於大業復於唐
初重置陟州其後州廢而以縣
屬鄆州貞觀初改屬懷州至宗
以浚因之入 國朝以河水漲
最不時遂以河北道移駐斯邑
諸防守之吏咸以歲時來巡斯
邑恪共弗懈邑如此亦雄矣哉
邑之有志自前明迄今凡五修
然其事之因革弗盡備也道光
三年宛平王君榮陞來令於此

武陟縣志

序

其初至也值沁水漫溢塞麥畦
石竭墜存者以拯災黎於沈溺
蓋自此以而邑為澤國前中丞
程公親來相度有移城木樂店
之議至此而隄防安固閭閻社
席無墊沒之患蓋王君經營故

武陟縣志

序

二

年用克免貼危也厥惟難哉事
既粗定乃復訪其邑之文獻延
請通人方君履錢為之鈐序其
事越二年而克有成君於為政
可謂知所先後者予以不材承
乏節節於此按邑之四境不越

百里而背沁面黃為通省隄工
所自始故為治之道接字而外
更重修防邑往者三苦黃水淹
沒經以沁高黃卑黃水和距既
遠不恒為患而沁來自西北有
建瓴之勢山溜暴瀉二流交漲

武陟縣志

序

三

則邑有為壑之虞此予向論河
北水道以為沁於溫濟益三縣
有益無損河內則損益重之惟
武陟為有損而無益益以此也
今君既先其政之急者又興舉
久事垂茲簡編使後之人有所

武陟縣志序

國家於直省

督學使者屬以採風必有以悉其山川之

形勝風俗之淳澆暨其鄉先賢名儒之

實蹟忠孝節烈之懿行以與其士相激

勸焉故所經府州縣例上郡邑志事至

武陟縣志

序

要也已丑夏予按試覃懷河內令高君

槐業以縣志進其書成於道光五年蓋

前邑令袁君蘭村所修而襄斯役者則

大興孝廉方君彥聞功為多體例精嚴

事詳文簡為嗟賞者久之試事竣將按

臨鄭州取道武陟其大令王君榮陞修

學以代今而傳後遂使百三十
餘年忠臣孝子節義之流政事
文章之選皆得繼美前賢垂諸
奕禩而我

朝休養生息之隆即一邑之小可

驗天下之大且以見賢有司焉

武陟縣志

序

四

心民物於斯土之人心風俗息

相因如此則平日之克勤其職

更可知矣書既成樂得而為序

道光己丑秋七月河東晉河使

者仁和嚴煥序



志適成以草本屬訂匆匆未及詳覽長
夏傳試取其書而讀之知創修於道光
五年告成於八年閱四寒暑而始歲功
其與編輯者即大興方君也其體例一
猶之河內也因慨然曰志乘之重莫重
於邑志而亦莫難於邑志蓋由邑而推

武陟縣志

序

二

之有郡志省志至一統志備矣而損益
所因實權輿於一邑此殆如長江九派
而窮源者不外濫觴高山萬重而積氣
者必始卷石若夫一邑之中建置不一
名實各殊非切究而精覈之必至泥乎
古而遺乎今舍其顛而求其末又况採

訪之所寄聞見之所屬一有不當匪濫
則軼吁其難哉今王君蒞邑六載政成
民和士皆嚮風而尤能急其所重任其
所難復得洽聞綴學之士如方君者相
與以有成為書三十六卷距見存康熙
二十九年甘令所修舊志相去百數十

武陟縣志

序

三

年補其闕遺益所未逮使生斯地者讀
其書慨然思川嶽之所鬱積民物之所
休養而相與景企前徽激揚懿嫻俾其
風臻臻益上觀感而興起也斯其撰述
之功夫豈細歟予故樂得而為之序

昔

道光九年歲次己丑孟秋朔日河南督

學使者翰林院編修加三級儀徵吳

文鎔撰於大梁節署



武陟縣志

序

四

武陟縣志卷一

聖訓

武陟縣知縣臣王秉陸恭錄

自古聖帝明王聽覽之暇每多綴述如桐鼓之詞市機之誠傳自上古已不多見至三代以下帝業文章各有光輝逮乎我

朝景運邛隆

列聖續緒

天章富美皆足以冠絕百代垂煥萬葉且

絲綸之布無不厯念民生

武陟縣志

卷一 聖製

而恩下土故雖武陟以區區河朔一邑因黃沁交會之所慎重隄防上勤

宵旰每有濬築之役皆奉

睿慮周詳

申訓重疊雍正元年奉

敕建嘉應觀於二堡營之東既成

世宗憲皇帝頒賜祭文刊於銅碑之上

雲日昭麗炳耀非常所以寵鎮斯邑者其為偉麗無與倫

于北矣

小臣榮陸

纂集記秉敬錄

五朝

御翰冠于全書之首俾斯邑臣民得以仰瞻

聖治

文德之盛與平日浹肌淪髓之勿諉者共相證而愈明斯則小臣之至願也

世祖章皇帝訓飭士子卧碑文 順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報 國恩下立人品所宜布教

條開列於後

一生員之家父母賢知者子當受教父母愚魯或有非為

武陟縣志

卷一 聖製

二

者子既讀書明理當再懇告使父母不陷於危亡

一生員立志當學為忠臣清官史書所載忠清事蹟務須

互相講究凡利國愛民之事更宜留心

一生員居心忠厚正直讀書方有實用出仕必作良吏若

心術邪刻讀書必無成就為官必遭禍患行害人之事者

往往自殺其身常宜思省

一生員不可干求官長交結勢要希圖進身若果心善德

全上天知之必加以福

一生員當愛身忍性凡有司官衙門不可輕入即有切已

之事止許家人代告不許干預他人詞訟他人亦不許牽

生員作證

一為學當尊敬先生若講說皆須誠心聽受如有未明從容再問毋妄行辯難為師長者亦當盡心教訓勿致怠惰

一軍民一切利病不許生員上書陳言如有一言建白以

違制論熱革治罪

一生員不許糾黨多人立盟結社把持官府武斷鄉曲所

作文字不許妄行刊刻違者聽提調官治罪

聖祖仁皇帝

至聖先師孔子贊 并序

蓋自三才建而天地不居其功一中傳而聖人代宣其蘊

武陟縣志

卷一 聖製

三

有行道之聖得位以綏猷有明德之聖立言以垂憲此正

學所以常明人心所以不泯也粵稽往緒仰邇前徽堯舜

禹湯文武達而在上兼君師之寄行道之聖人也孔子不

得位窮而在下秉刪述之權明道之聖人也行道者勲業

炳於一朝明道者教思周於百世堯舜文武之後不有孔

子則學術紛淆仁義湮塞斯道之失傳也久矣後之人而

欲探二帝三王之心法以為治國平天下之準其奚所取

衷焉然則孔子之為萬古一人也審矣朕巡省東國謁祀

闕里景企滋深敬摘筆而為贊曰
清濁有氣剛柔有質聖人參之人極以立行著習察舍道

莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮文繁亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千聖所同孔子之德
仁義中正秉彛之良根本天性庶幾夙夜勗哉令圖遡源
洙泗景躋唐虞載歷庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
于道統天御世惟道爲寶泰山巖巖東海泱泱決牆高萬仞
夫子之堂孰窺其藩孰窺其徑道不遠人克念作聖

武陽縣志

卷一 聖製

四

康熙二十五年七月初四日戶部尚書文華殿大學士

臣

張玉書奉

敕謹書

翰藻開天台衡承瑞貞珉垂休聯輝洙泗忝尹茲城門

牆舊贊繼事謹崇分尊列次翊我

昌隆萬年文治

丁丑孟夏武陽縣知縣

臣董之燧

謹立并識

聖祖仁皇帝四子贊

頤子贊

聖道早開天資獨粹約禮博文不遷不貳一善服膺萬德

濬奉能化而齊其樂一致禮樂四代治法兼備用行金鑑
王佐之器

曾子贊

洙泗之傳魯以得之一貫曰唯盡學在茲明德新民止善
爲期格致誠正均平以推至德要道百行所基纂承統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

武陽縣志

卷一 聖製

五

孟子贊

哲人既萎楊墨昌熾子輿闢之曰仁曰義性善獨闢知言
養氣道稱堯舜學屏功利煌煌七篇並垂六藝孔學攸傳
禹功作配

康熙二十八年閏三月十六日戶部尚書文華殿大學士

臣張玉書奉

敕謹書

右二碑並列于學宮殿庭

聖祖仁皇帝聖諭十六條

康熙三十年

聖孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匿逃以免株連

完錢糧以省催科

聯保甲以弭盜賊

解讐忿以重身命

康熙三十九年

御賜翰林院編修

臣

王化鶴綾字一幅書曰天階雪後淨

氛埃月上龍樓寶仗開盡道

武陽縣志

卷一

聖製

六

聖恩深似海觀燈都向午門來

康熙四十一年

御賜左春坊左諭德前翰林院編修

臣

王化鶴綾字一幅書曰清淺白石灘綠蒲向堪把家住水東西浣紗明月下

以上

御書二通皆雙鉤刻石敬藏於小虹橋王氏家祠

世宗憲皇帝武陽縣嘉應觀碑文

雍正元年

朕撫臨寰宇夙夜孜孜以經國安民爲念惟茲黃河發源

高遠經行中國紆回數千里與淮沁涇渭伊洛沂泗合流

以入於海古稱河潤九里其順軌安瀾滋液滲漉物

其

利然自武陽而下土地平曠易以泛濫其來已久頻歲南

北隄岸衝決波浸所及田疇失業而橫災運河爲漕艘往

來之患其闕於國計民生甚鉅屢下諭旨亟發帑金修築

隄防期於灑沈澹災成底定之績夫名川大瀆必有神焉

主之詩云懷柔百神及河喬嶽朕思龍爲天德變化莫測

雲行雨施品物咸亨又能安水之性使行地中無驚波沸

浪之虞有就下潤物之益特命河臣於武陽建造淮黃諸

河龍王廟祇申秩祭以祈麻祐禮記祭法曰聖王之制祭

祀也能禦大災則祀之能捍大患則祀之乃者水循故道

不失其性自春徂秋經時歷汎靡有衍溢中州兆庶離墊

武陽縣志

卷一

聖製

七

溺之憂獲豐稔之樂所謂禦災捍患有功烈於民者至明

且著斯廟之建誠有合於古法矣河臣請爲文以紀刻諸

豐碑朕用推本龍德而明徵禮經以示永久歲時戒所司

率牲牲酒醴恪恭祀事以邀福於神其繼自今風雨有節

漲潦不興貽中土之卓成資兆民之利濟以庶幾於永賴

之勲是朕敬神勤民之本懷也夫

世宗憲皇帝訓飭士子碑

雍正四年

國家建立學校原以興行教化作育人材典至渥也朕臨

御以來隆重師儒加意庠序近復慎簡學使釐剔弊端務

未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生勿聞庭訓長列官墻朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅母事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心不淑行已多愆或垂語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人

武陟縣志

卷一 聖製

八

名教不容鄉黨不齒縱幸脫褫朴濫竊章縫返之於衷寧無愧乎况鄉會科名乃掄才大典關係尤鉅士子果有實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正為國家宜猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵名訓一切痛加改省爭自濯磨積行勤學以圖上進國家三年登造東帛弓旌不特爾身有榮即爾祖父

亦增光寵矣逢時得志勿傲毀方躍冶暴棄自甘則上可等其發無不教也既負栽培復干咎戾王章具在朕亦不能為等矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷司職業勿修咎亦難追勿謂朕言之不預也爾多士其懃之哉

聖世河清普天同慶諭

雍正五年

覽諸王大臣等奏稱河水澄清二千里期逾兩旬為從未有之瑞懇請陞殿慶賀朕嘗言天下至大庶務至繁斷

武陟縣志

卷一 聖製

九

非人主一身所能經理必賴內外臣工協力贊襄然後可以成一道同風之盛若上有涼德之主而下皆梟獍稷契之臣則工虞水火佐理有人政務亦不患其不舉若上有堯舜之主而下皆其工驩兜之輩則耳目股肱無所資藉政務亦必至於廢弛故人君之道以得人為要而人臣之道以奉職為先此一定之理也朕統臨萬方雖刻刻有勵精圖治之念然必賴內外臣工共矢公忠各殫才力然後有實政實效及於吏治民生方可以感

天和而錫繁祉不然則朕雖有勤政之念豈能事事辦理之也今見數年之中荷蒙

上天

皇考默佑疊錫嘉祥茲又有河清之上瑞朕細推天人感應之理自非無因應是內外臣工能體朕宵衣旰食之懷沈陽奉陰違之習分猷効職有數端之善上合

皇天

皇考之心是以錫茲福慶以勵將來爾等試再思之人事甫修僅有數端之善卽邀

上天

皇考之嘉貺若此倘能益竭忠誠事事皆善則其獲福又常何如或由此而侈然自足怠惰前修則其獲譴又當何

武陟縣志

卷一 聖製

十

如可不慎乎可不懼乎況天道惡盈朕心方且因此益加戒儆所請慶賀典禮朕必不行朕念君臣之間實屬一體

上天

皇考既垂訓於朕朕卽以此訓及諸臣

上天

皇考既錫福於朕朕卽以此福及諸臣凡屬京官自大學士尚書以下主事以上內大臣都統前鋒統領護軍統領步軍統領以下參領以上凡屬外官自督撫以下知縣以上武官自將軍提鎮以下叅將以上俱著加一級其王公等管理部院都統事務者應如何加恩之處著宗人府議

奏自茲以往內外臣工當益加勉精白乃心和衷共

矢勤矢慎秉公去私導

上天

天降之匪遙念感應之不爽以至誠至敬仰承

皇考之眷佑則受福孔多永永弗替勉之勉之

祭告河神文

維雍正五年歲次丁未閏三月丁巳朔日 皇帝遣都察院左副都御史加一級覺羅常泰致祭於顯佑通濟昭靈効順黃河之神曰惟神源通星漢派衍崑崙四瀆稱宗九州滋潤惠澤廣遠靈應夙彰頃者決口合龍民居攸奠既

武陟縣志

卷一 聖製

十一

奏安瀾之績旋呈清泚之祥里計二千時經旬月錫福固由於 天眷効靈實顯大神功用遣專官虔修祀典惟冀光昭庥佑永慶阜安延景福於萬年溥純禧於兆姓尙其欽格鑒此精誠

又雍正五年十月十四日

惟神功昭四瀆德冠羣靈澤國蒙庥新祠在望乃者洪澍積水沮洳全消惟茲淮甸奧區平原相接長阡廣陌增二萬頃之良疇東作西成貽億兆人之恒產 天庥滋至靈顯孔彰特命河臣遣官致祭冀宏開於樂利用永奏於

平惟爾明神尙其歆鑒